

ATODLEN 5

TRAFODIADAU EIDDO PRESWYL CYFRADDAU UWCH

RHAN 5

DARPARIAETHAU ATODOL

Setliadau ac ymddiriedolaethau noeth

- 27 (1) Mae is-baragraff (3) yn gymwys mewn perthynas â thrafodiad tir—
- os yw prif destun y trafodiad ar ffurf prif fuddiant mewn un annedd neu ragor,
 - os yw'r prynwr (neu un ohonynt) yn gweithredu fel ymddiriedolwr setliad, ac
 - os bydd gan fuddiolwr, o dan delerau'r setliad, hawl i—
 - meddiannu'r annedd neu'r anheddau am oes, neu
 - incwm a enillir mewn cysylltiad â'r annedd neu'r anheddau.
- (2) Mae is-baragraff (3) hefyd yn gymwys mewn perthynas â thrafodiad tir—
- os yw prif destun y trafodiad ar ffurf cyfnod o flynyddoedd absoliwt mewn annedd, a
 - os yw'r prynwr (neu un ohonynt) yn gweithredu fel ymddiriedolwr ymddiriedolaeth noeth (o fewn yr ystyr a roddir gan baragraffau 2(1) a (2) o Atodlen 8).
- (3) Pan fo'r is-baragraff hwn yn gymwys mewn perthynas â thrafodiad tir, mae buddiolwr y setliad neu'r ymddiriedolaeth noeth (yn hytrach na'r ymddiriedolwr) i'w drin at ddibenion yr Atodlen hon fel y prynwr (neu fel un ohonynt).
- (4) Mae paragraffau 3(3) a 4 o Atodlen 8 (trin ymddiriedolwyr fel y prynwr) yn cael effaith yn ddarostyngedig i is-baragraff (3).